

مجموعه ابو الخیر

ماسوا شایسته شدن دلی تطهیر چالش
بر تو حکمت و عرفان اهل دور و آتش

هر ماه عربی ابتدا سیله اون بشده نشر اولنور فنون مجموعہ سیدر .

جزو ۳۴ [فی ۱۵ جادی الآخره سنہ ۱۳۰۰] نسخہ سی ۳۳ عروش

شراب

شرابك اسمی همان كافه السنده بدر . اسکی الینوز لسانده
[وینوس] [لاتینجده] [ونیوم] [ایتالیانجده] [وینو] [فرانسزجده] [وهن]
آلمان لسانده [واین] [انکلیرنجده] [اواین] [وعریده] [نون] [در] .

روما جمهوریتك اوائلنده نسوان ایچون شراب ایچمك قطعاً
ممنوع ایدی؛ حتی رومولوس ارککله زوجدرینی شراب ایچرکن
کوردکاری حالده خانلرندن طرد ایتکه وایستزلرسه اعدام ایلکه
مأذونیت ویرمشدر .

لاتین مؤرخلرندن [والر ماقسیم] ك روایتنه نظراً اغناتیوس
متولوس نامنده بری بومأذونیتدن استفاده ایله زوجدرینی قتل ایتش
اولدیغی حالده رومانك بانیسی طرفندن هیچ بر کونه مؤاخذهیه
اوغرامامشدر .

بنه لاتین مؤرخلرندن ویتورک روایتندرکه روما نسوانندن
بری شراب محفوظ بولان بر صندوقك کلیدی آچقله مشغول ایکن
اوزرینه اقرباسی کلهرك مرقومهیی آچقلندن اولجدهیه قدر بر یرده
حبس ایتشلردر .

رومالیلر بو خصوصده اودرجه درده مبالات ایدرلر ایدی که —
روما مشاهیرندن — قاطونك نصیحتی اوزرینه اولرینه دخوله شراب
ایچوب ایچمکلهرینی نفسلرندن آکلامق ایچون نسوانك طوداقلرینی
اویمکی عادت حکمنه قویملر ایدی . لکن بومراعات وبوشدت چوق
زمان امتداد ایده میهرک ذوق وسفاخته میلان، اخلاق فاضلهك دوچار

ضعف و خلل اولمسنده بادی اولمغله بالتدریج قادیسلر ار ککترله برابر شراب ایچمهکه باشلامشلدردر .

§

فرانسه افکار عمومیه سنده « شراب اختیارلرک سودیدر . »
 قولی یر ایش ایسدهده آلمانیازده زویتلرندن دره قسدلیوس نام ذات بوفکرک خلافتنه قائل ایدی . مومی الیه دیر ایش که :
 « بر شراب ، قوتی نه قدر زیاده اولور ایسه سن ویامرض ایله دوچار ضعف اولمش بر معدهیه اونسبتده یاراماز . معده ایله مواد مأکوله آره سنده او یله برنسبت بولملی درکه بری دیکرینک حرارت طبیعیه سنی درجه افراطه واردیر ماملی در . ای شراب فنا بر معده ایله اصلا امتزاج ایده مز . مع مافیه قواسی دوچار وهن اولمش بر معده تک ایی واسکی شراب ایله تعمیر ایدیله جکی زعی افکار عمومیهده اورته جایگیر اولمشدرکه آتی ازاله ایتک قابل اوله مز . »

§

شرابک اعلاسی فرانسهده اعمال اولندیغی کبی شراب مرا .
 قیلیری دخی الک زیاده فرانسهده بولنمدهدر .

فرانسهده اوائلده مشهور ومعتبر اولان شراب « سورن »
 شرابی ایدی که دردنجی هانری اکثریا دول مجاوره حکمدارانسه هدیهه طریقهله اوشرابدن کوندرر ایدی .

سورن شرابندن صگره شهرت آلان [بورغون] شرابی ایدی . بونک شهرته ایسه وقعه آیه سبب اولمشدر :
 اون دردنجی لوتی شدید بر معده آغریسنه مبتلا اولمغله طبیب خاصی اولان وموایرک برچوق استهزالینه اوغرایان دو قنور [فاغون]
 مشار الیه بورغون شرابی ایچمه سنی توصیه ایدر . بر قاج کون قدر

بوشرايك استعمالنه مداومتله معده آغریسی برطرف اولور . آندن
 صكره دائما بورغوين شرابی ایچمكه باشلار .
 بناءً علیه بورغوين شرابك سرای حکمداریده مظهر اولدیغی اعتبار
 خارجه دخی انتشار ایتمكه بتون فرانسه ایچنده کسب اشهار ایلر .
 ممالك اجنبیهیه الك نفیس شراب اخراج ایدن فرانسه اولدیغی
 جهتله هر یرده فرانسه بی تقلیداً شراب موده سنه اتباع ایدلمشدر .
 اون دردنجی لویك وفاتسندن صكره ارباب سفاقت شامپانیه
 شرابینی بورغوینه ترجیح ایتمشدر . او عصر ارباب سفاقتك كزید .
 كانندن (سیلری) نك شامپانیده باغلی بولندیغندن اوراده چیقان
 شرابك شهرت آلمسنه بك چوق خدمت ایتش وموفق اولمشدر . فقط
 بوشهرت بك چوق مدت دوام ایتمشدر . چونكه بوردو شهری
 دواړ بلدیهمی رؤسائیدی بری فرانسه ده چیقان شرابلك الك اعلاسی
 زیوند نهری سواحلنده یقشان اوزوم شرابی اولدیغنه دأر افكار
 عومیه بی اقناعه موفق اولغله بوکونکی کونده فرانسه سفره لرنده
 الك زیاده مظهر اعتبار اولان شراب بوردو شرابی اولمشدر .

مهم برایستایستیق

ایستایستیق دیلان علم مجملک علوم جدیده دن اولدیغی
 وبناءً علیه عثمانیلر میاننده بو علمک یقین و قتلره قدر مجهول بولندیغی
 ادعا ایدلره قارشى بوندن ایکی بوز یکر می درت سنه مقدم یعنی
 قندهك محاصره سندن قحنه قدر طویلان حربی برایستایستیق
 ارائه ایدرز .